

IMAQARNILIAQ

Greenland Oil Spill Response A/S-imi, CVR 12663765-imi nalinginnaasumik ataatsimeersuarnermit.

Ulloq 07. maj 2020 nal. 14.00 Ingerlatseqatigiiffinnut Allattoqarfimmi, Imaneq 1A – 901, 3900 Nuuk, nalinginnaasumik ataatsimeersuarneq ingerlanneqarpoq.

Oqaluuserisassat makkuupput:

1. Aqutsisumik toqqaaneq
2. Ingerlatseqatigiiffiup ukiumi qaangiuttumi suliaqarnera pillugu siulersuisut nalunaarutaat
3. Ingerlatseqatigiiffiup ukiumi aggersumi ingerlatassatut pilersaarutigisaannut aammalu taakkuninnga aningaasalersuinissamut pilersaarutigineqartumut siulersuisut nassuiaataat
4. Ukiumoortumik nalunaarusiap kukkunersiorneqareersup akuerineqartussanngorlugu saqqummiunneqarnera
5. Ukiumoortumik nalunaarusiaq akuerineqartoq naapertorlugu sinneqartoorutit atorneqarnissaat imaluunniit amigartoorutaasut matussuserneqarnissaat pillugu aalajangiineq
6. Akissarsiasanut politikkip akuerineqarnissaa
7. Siulersuisuni ilaasortanik, ilanngullugu siulittaasumik, qinersineq
8. Siulersuisut siulittaasuanut siulersuisunilu ilaasortat sinnerinut aningaasarsiasat aalajangersarneqarnissaat
9. Siulersuisunit imaluunniit aktiaatilinnit siunnersuutit
10. Kukkunersiuusumik toqqaaneq
11. Tamalaat
12. Nalunaaruteqarnissamut il.il. piginnaatitsissuteqarneq

1 pillugu. Aqutsisumik toqqaaneq.

Siulersuisuni ilaasorta q Hanne Berthels aqutsisussatut siulersuisut inassutigaat

Ataatsimeersuarnermi siulersuisut inassuteqaataat akuerineqarpoq.

Tamatuma kingorna aqutsisup oqaatigaa ataatsimeersuarnermi inatsisit malillugit pisoq aammalu aalajangiisinnaassuseqartoq, tassami aktiaatinit aningaasaatit tamarmiusut sinniisoqartinneqarmata.

2 pillugu. Ingerlatseqatigiiffiup ukiumi qaangiuttumi suliaqarnera pillugu siulersuisut nalunaarutaat.

Pisortap Klaus Kuch Jensen-ip 2019-imi ingerlatseqatigiiffiup suliai nassuiarpai. 2019-imi ingerlatseqatigiiffik nammineq kajumissutsimik upalungaarsimasuminut pisinnaasanik piginnaasaqarfinnillu annertusaataasunik arlalinnik ingerlatsisimavoq. Ingerlatat tassaasut uuliakoornernut sungiusarnek ataaseq, ikiueqqaarnermut pikkorissaaneq ataaseq, sulilersitsinermit sungiusarnek ataaseq aammalu IMO-mi akuersissummik allagartaqarfiusumik eqimattanut aqutsisunut pikkorissaaneq ataaseq, uuliasiornermik suliaqartunit aningaasaliiffigineqartumik suliniutitut pisussaaffigineqartutut ingerlanneqarput. Tamatuma saniatigut ukioq 2019 ingerlatseqatigiiffimmut unammillernartooqqissimavoq, tassami ingerlatseqatigiiffimmut pisussaaffigalugu tapersiisartunik taasarialinnik peqarunnaarsimammat.

Ataatsimeersuarnermi nalunaarut tusaatissatut tiguneqarpoq.

3 pillugu. Ingerlatseqatigiiffiup ukiumi aggersumi ingerlatassatut pilersaarutigisaannut aammalu taakkuninnga aningaasalersuinissamut pilersaarutigineqartumut siulersuisut nassuiaataat.

Pisortaq Klaus Kuch Jensen ukiuni aggersuni ingerlatseqatigiiffiup ingerlatassaannut pilersaarutigineqartunut aammalu taakkua aningaasalersorneqarnissaannut pilersaarutigineqartunut nassuiaavoq. 2020-imi GOSR-imi sapinngisamik sungiusaanissamut sulisussarsiornissamullu pilersaarut malinneqassaaq, tassani ilaatigut siunnerfigineqarluni nammineq kajumissutsimik uuliakoornernik akiuiniartartut piginnaasaqarfiisa minnerpaaffissaasa tulluarsarneqarnissaat kiisalu suliniutini pisussaaffiit, uuliasiornermik suliaqartunit aningaasaliiffineqartut, sinneruttut pilersuutiginnissaasa qulakkeernissaa. Maannamuugallartoq GOSR-ip sulisussarsiornerni paasititsiniaaneq saqqummersereerpaa aammalu Nuummi nammineq kajumissutsimik sulilerlaajunerpaanut ulloq atortunik samminniffiusutut taagorneqartoq ingerlatereerlugu. Taamaattoq Covid 19 kingunerisaanik pisut pissutigalugit IMO-mi akuersissummik allagartaqarfiusumik pikkorissaanissaq pilersaarutigineqartoq ataaseq piffissaligaanngitsumik kinguartinneqarpoq.

2020-mi GOSR Inuussutissarsiornernut, Nukissiuuteqarnermut, Iisimatusarnermut Suliffeqarnermullu Naalakkersuisoqarfimmut suleqatigiinnissamut isumaqatigiissuteqaqqammerpoq. Isumaqatigiissutip ilaatigut kingunerisaanik, GOSR-ip Illersornissaqarfiup uuliakoornernik akiuiniarnermut atortuunik uninngasuuteqarneq aserfallatsaaliuinerlu suliarisussanngorpaa. GOSR aamma Illersornissaqarfiup tassunga atatillugu ataatsimoorluni sungiusaqatigiinnissaq pilersaarusiorsinnaasavaat ingerlassinnaassallugulu.

Tulliullugu Kalaallit Nunaanni sinerissap avataani ikummatissiassanik misissuinissamut pisinnaatitsissummik pigisaqartunik 4-5-inik suliaqaratik ilaasortaqaalernissaq GOSR-ip naatsorsuutigaa.

Ataatsimeersuarnermi nassuiaat tusaatissatut tiguneqarpoq.

4 pillugu. Ukiumoortumik nalunaarusiap kukkunersiorneqareersup akuerineqartussanngorlugu saqqummiunneqarnera.

Siulersuisunut siulittaasup Steen O. Hansen-ip 2019-mut ukiumoortumik nalunaarusiaq saqqummiuppa. Ukiumoortumik nalunaarusiami -3.139.706 koruuninik amigartooruteqarneq takutinneqarpoq. Angusat 14.083.116 koruuninik oqimaaqatigiisitsiviupput. Angusat naammaginartutut siulersuisut isiginngilaat.

Ataatsimeersuarnermi 2019-mut ukiumoortumik nalunaarusiaq saqqummiunneqartoq akuerineqarpoq.

5 pillugu. Ukiumoortumik nalunaarusiaq akuerineqartoq naapertorlugu sinneqartoorutit atorineqarnissaat imaluunniit amigartoorutaasut matussuserneqarnissaat pillugu aalajangiineq.

Ukiumi angusat ukiup tullianut nuussinikkut atugassanngortinneqassasut, siulersuisut 2019-imut ukiumoortumik nalunaarusiami siunnersuutigaat.

Ataatsimeersuarnermi angusanik atugassiinissamut siunnersuut akuerineqarpoq.

6 pillugu. Akissarsiassanut politikkip akuerineqarnissaa.

Siulersuisut siunnersuutigaat, ingerlatseqatigiiffiup aningaasarsiaqartitsinermit politikkia, 2013-imi nalinginnaasumik ataatsimeersuarnermi nassuiarneqartutut, ingerlateqqinneqassasoq.

Ataatsimeersuarnermi aningaasarsiaqartitsinermit politikkimut siunnersuut akuerineqarpoq.

7 pillugu. Siulersuisuni ilaasortanik, ilanngullugu siulittaasumik, qinersineq.

Toqqarneqassasut siunnersuutigineqarpoq

Steen Ove Hansen, siulittaasoq
Oddbjørg Varhaug Greiner aamma
Hanne Berthels

Ataatsimeersuarnermi matuma siuliani taaneqartunik toqqaaneq akuerineqarpoq.

8 pillugu. Siulersuisut siulittaasuanut siulersuisunilu ilaasortat sinnerinut aningaasarsiassat aalajangersarneqarnissaat.

2020-mut siulersuisunut aningaasarsiaritineqartussat allanngortinneqaratik atuutiinnassasut siunnersuutigineqarpoq, taamaalilluni siulersuisunut ilaasortat nalinginnaasut ukiumut 50.000 koruuninik aningaasarsiaqartinneqassallutik, siulittaasup tullia ukiumut 75.000 koruuninik aningaasarsiaqartinneqassalluni aammalu siulittaasoq ukiumut 150.000 koruuninik aningaasarsiaqartinneqassalluni.

Ataatsimeersuarnermi siunnersuut akuerineqarpoq.

9 pillugu. Siulersuisunit imaluunniit aktiaatilinnit siunnersuutit.

Siunnersuutitik soqanngilaq.

10 pillugu. Kukkuersiuisumik toqqaaneq.

Siulersuisut Grønlands Revisionskontor A/S toqqaqqinneqassasoq siunnersuutigaat.

Ataatsimeersuarnermi kukkuersiuisup siunnersuutigineqartup toqqaarneqarnera akuerineqarpoq.

11 pillugu. Tamalaat

Suliarineqartussanik soqanngilaq.

12 pillugu. Nalunaaruteqarnissamut il.il. piginnaatitsissuteqarneq

Grønlands Revisionskontor A/S ukiumoortumik nalunaarusiap akuerineqartup Erhvervs- og Selskabsstyrelsen-mut nassiunnissaanut ataatsimeersuarnermi piginnaatinneqarpoq.

Ataatsimeersuarneq naammassivoq.

Aqutsisutut:

Hanne Berthels